



Tumberito ta bek riba programa y en grande!!!

ORANJESTAD - Diasabra dia 31 di Januari Festival di Tumberito, despues di varios aña di ausencia, ta bek riba e programa di carnaval. (a varios aña e festival aki tabata falta y hopi tabata warda su regreso. Esaki ta masha riparable, ya cu segun por a tende e cantidad di participante ta bastante halto.

Ya caba inscripcion tanto pa e seccion infantil como hubenil ta tumando luga. Y Amado Rosina ta na cabes di e 'All Star Band' cu lo guia e muchanan riba stage dia 31 di Januari. E edad pa seccion infantil ta 7-12 aña y pa e seccion hubenil e edad ta di 13 pa 17 aña.

Pa mas informacion y inscripcion por pasa na oficina di SAC pa asina haci esaki mas lihe posible pa e muchanan por cuminsa practica hunto cu e banda.

Tumberito ta bek y den full preparacion pa dia 31 di Januari ranca sali cu smaak riba stage di Aruba Entertainment Center.

